



JUDICIAL SYSTEM MONITORING PROGRAMME

PROGRAMA MONITORIZASAUN BA SISTEMA JUDISIÁRIU

Komunikadu Imprensa

20 Novembru 2013

Autóridade lokal apresia ho diskusaun ho topiku “Aplikasaun Suspensaun ba Pena Prizaun iha kazu Violénsia Doméstika

Iha 19 Novembru 2013 equipa JSMP, ne’ebé lidera husi Unidade Justisa ba Feto (WJU) realiza diskusaun ho xefe de suco no strutura husi suco 5 iha distritu Ermera, partisipantes ba diskusaun ne’e hamutuk ema nain 40, feto 11 no mane 29. Diskusaun ne’e ho tema ‘*Aplikasaun suspensaun ba pena prizaun iha kazu violénsia doméstika entre espetativa no dezafiu*’.

Objektivu husi diskusaun ne’e atu lider komunitária no nia strutura tomak, bele hatene diak liu kona-bá natureza husi kazu violénsia doméstika, prosedimentu legál, nomos finalidade husi pena ne’e rasik.

“Diskusaun ne’e hanesan kontinuasaun hosi esforsu sira ne’ebé durante ne’e JSMP halo ho intensaun atu hasa’e kuñesimentu xefe suco no strutura suco kona-ba implikasaun husi suspensaun ba pena prizaun ba kazu krime violénsia doméstika. Liu-liu atu klarifika distinsaun entre pena sira hanesan pena prizaun, pena multa no pena servisu komunitáriu ne’ebé mak define iha Kodigu Penal Timor-Leste nian”, dehan Diretor Interinu JSMP, Casimiro dos Santos.

Reprezentante Administradór Distritu Ermera, Sr. Joao Mestre iha ninia intervensaun haktuir katak diskusaun ne’e importante tebes ba xefe suco no strutura suco hotu. Lideransa suco sira ne’e mak hanesan autór xave ba dezvoltamentu. Representante Administradór ne’e hatutan katak diskusaun ne’e mezmua iha loron sorin deit maibe sira bele aprenende buat ruma.

Partisipante sira deklara katak informasaun ne’e importante tebes no sira apresia ho atividade ne’e tanba ne’e sira sujere ba JSMP diskusaun hanesan ne’e iha futuru bele kontinua iha nivel suco.

Observasaun JSMP iha diskusaun ne’e nota katak partisipante hotu interesante tebes atende diskusaun ne’e sira bele hatene di’ak liutan kona-ba suspensaun ba pena prizaun ne’e rasik. Tuir planu atividade refere sei kontinua hala’o iha distritu Manatuto, Bobonaro, Liquiça no Oecusse.

Diskusaun ne’e realiza ho apoiu finanseiru husi **The Royal Norwegian Embassy** iha Jakarta, Indonézia.

Atu hetan informasaun kle’an favor kontaktu direktamente:

Casimiro dos Santos

Diretór Interinu JSMP

Email:casimiro@jsmp.minihub.org

info@jsmp.minihub.org

Landline/Mobile: 3323883 | 77295795

Website:www.jsmp.tl

Face book:www.facebook.com/timorleste.jsmp

Twitter: @JSMPtl